

Ordeninge eynes menen kastens.

Kadtlaß wo de geystlycken ghüder
tbo handelen sijn.

Martinus Luther. M.D.XXVII.



t. eccles. E.

298, 20

XIX. 12

Martinus Luther Ecclesiastes

allen Chisten der gemene tho Leysnick mynen leuen
heren vñ bröderen yn Christo. Gnade vñ frede
van godde dem vader vñnd vnsem
heylande Jesu Christo.

 Adē yw leuen heren vnde brödere de vader aller
barinherticheyt sampt anderē yn der gemenshop
des Euangelijs beropen vñnd synen sonen Jesum
Christum in ylwe herte hefft schynē laten vñ sulck
rykedom der bekentenis Christi by yw so kreffich vñ dedich
ys dat gy eyne nye ordeninge Hoddes denses vñ eyn gemes
ne gudt dem Exempel der Apostelen na vorgenomē hebbet

Hebbe ik sulcke ylwe ordeninge vor gudt angesehn dat se
dorch den druck vthginge est Godt synē gnedigen segen dar
tho geuen wolde dat se eyn gemene exemplar wörde dem ock
vhele andere gemeinen nafolgeden dar mede wy ock van yw
rōmen möchten alse Sanct. Paulus van den Corinthern rō
met dat öhre flyt hebbe vhele gereyzt. Wo wol gy yw des
trostlick vorsehn vnd erwegen mothen dat so yd vth godde
ys wat gy anfangen gar reddelick mothe angefochten werde
wenne de leydige Sathana weth nicht rouwen noch vyren.

De wyle wy denne hopen sulck ylwe exemplar schole getas
den dat yd gemene werde vnd dar vth denne folgen wyl eyn
groth fall der voigen styffte Klossere Cappellen vnd der
gruwelikē grundsappē de sick wenteher vnd godikes denses
namen myt aller werlt rykedom gefüllt hefft dar to denne
oek geweldichlick helpet dat hillige Euangelion dat wedder
her vor brückt vñ sulcke lesserlyke vordomlyke goddes denses
vth malet vnd an den dach bringet Tho dem dat de geistlikē
oek suluest also sick holden dat nicht redelyckes by öne bleuen
ys noch to öne hen yn wyl vnd sick allent haluen de sake also
stellet alse hebbe godt vnde de werlt der Monnekerye vnde
Geysterye genoch vnd mothe anders werden ys der haluen

dēnoch hyt vp thōsehn/dat sulcker ledigē styffte gūder nicht
yn de rabbuse komen vnd eyn ytlyker tho sick rythe wach he
kryghen kan.

Dar vñme hebbe ick gedacht yn der tydt vor tho komen so
vele my gebōrt vnd thosteyt myt Christlykem rade vnde vors
maninge/wente na dein ick yd doch moch gedan hebbē/wan
de klostere vnd slyffe leddich werden/Monneke vñ Lünnē
sick wennigerē/vnde alle wat dē geystlykē stande tho affbrock
vnd vortkleringe gescheen mach/so wyl ick ock dat nicht vp
my lyggen lathen/so etlyke gyzige būke wōden sulcke geystly
ke gūder tho sick rythen vnde my alse den/de orsake dar tho
gegenen bedde tho eyne schyne vorwenden.

Wente wo wol ick besorge/dat mynē rade weich folghen
werdē wan yd so verne kūmet/wente de gyz ys eyn vngehors
sam vngelouick schalck so wyl yk doch dat myne don vñ myn
gewetten entleddigē vnd öhre gewetten beladen hebben/dat
nemant seggen möge/yk hedde geswegen edder to langksam
mick hören lathe. Yd neme nu an edder vorachte mynē trus
wen radt we dar wyl yk byn vnschuldich. Ik warne auer tho
uorn triuwlick vnd bidde fruntlick dat düsse mynē rade ne
mant eyn hörent noch folge dho/he wette denne vnd vor scha
gruntlick wol vth dē Euangelio/dat Monnekerye vñ geystes
rye/alse yzunt ghewesen ys by veerhundert jaren keyn nutz
vnde ydel schedelick erdom vnde vorföterye ys. Wente sulck
grot dingē moch myt gadern festem Christlykē gewetten an
gegrepen werdē/yd wert siest öuel erger werden/vnde wert
am dor bedde gar eyn bose ruwe komen.

Vpt erste were wol gudt/dat kein felt Kloster alse Benes
dictiner Cistercer/Celestiner vnd der gelyken ye vp erden ge
kommen were/Lu se auer dar syn/is dat beste/dat men se lathe
vorgan/edder wor men föchlick kan/dar to helpe/dat se reine
vnd gar wech komē/dat mack auer gesehn vp düsse twe wyse
De erste dat men de personē so dar ynne syn/lathe fry vā sick
suluen so se wyllen/her vth ghan/alse dat Euangelion voilō
uet/De and/re dat eyne ytlyke ouericheyt myt synē Klosterē

vor schaffe keyne psonē meß: vñ so örier to vele dar
yinne syn anders wo: hen schicke vñ de öuerygē late vtsteruē.

De wyle auer nemandt to dem Euangelio to dringen ys-
schal men de öuerygen personen so yn klofferen - yd sy olders
brückes edder gewettens haluen bliuen nicht vth töten noch
vnfründtlyck myth öhne handelen sunder se öhre leuen
langt lathe genoch hebben alse se thotorn heddē gehat wete
dat Euangelion leret ock gudt dhon den vnwerdigen alse de
himmelsche vader ouer gudt vnd böse leth regenen vnde de
sunne schyne vñ mē moth hyt ansehn dat sulcke personē vth
gemener blyntheyt vnde erredom yn sulcken standt geraden
syn vnd nicht geleret dar mede se syck erneren kunnen.

Doch ys myn radt dat de ötericheit sulcker kloster güder
to syck neime vnd de öuerigen personē so dar yinne blyue dar
van vor forge so lange se vthsteruē ock rycklyker vnd mylder
wan se velichte vorhen gewesen syn dar mede men yo spöre
dat nicht de gyg dem geystlykē gude auer Christus geloue dē
klosterē vyent sy vnde hyr ys nicht aller erste Pawestlyke edd
Bisschoplyke geloue tho soeken edd Van vnd vormaledygins
ge tho forchtē wente yck ock diuth schyue allene den yennigē
so dat Euāgelion vorstan vnd sulcks tho dhon mechtich syn
yn ören landen steden vnd öuericheyden.

Vpt ander de guder sulcker kloster so de ötericheyt to syk
nymmet scholdē dryerleye wyß gehandelt werden. De erste
dat men de personen so dar yinne blyuen vor sorget alse yzunt
gesecht. De ander dat men den personē so vth gan ethwes re-
delykes myt gene dar mede se ethwes anfangen vnd syck yn
eynē standt beguenen kunnen esst se gelick nicht hebben henyn
gebracht wente se vorlaten gelyke wol de neringe öres leuen
langt wan se vth gan vnd syn bedrogen hedden de wyle se
ym kloster gewesen ethwes anders geleret Iuer den yennigē
so henyn gebracht hebben ys byllick vor godde dat men wede-
der gyft yo eyns deyls wente hyr schal Christlyke leue vnde
nicht mynschlyker recht scharpe richen vnde schal ymandt
schadē edder vorlust draghen dat schal ouer dat kloster vnd

nicht oter de personen gan/wente dath kloſter ys eyne orſake
ōhres erdomes.

Auer de drydde wyſe ys de beſte/dath men alle dat ander
lathe thom gemenen gude eyns ghemenen kaffen brynghen/
dar vth men n̄ha Chriſtlyker leue ghene vnde lyſe allen de
jm lande dorſtich syn yd ſy eddel edder bo:ger/dar mede men
ock der ſtyſte Testament vnde wyllemi vorfülle/wente wo
wol ſe geerret vnde vorſoret ſyn/dat ſe yd tho kloſteren gege
uen hebbēn ys dennoch yo ōhre menynghe geweſen/godde to
eren vnde denſte gegeuen vnd hebbēn alſo geſeilt. Iu ys kein
groter godes denſt wā Chriſtliche leue/de dē dorſtighē helpet
vnde denet alſe Chriſtus am jungesten dage fuluest wert bes
kennen vnde richten Math.vvv.dar her ock vor tydein der
kercken gūder bona Eccleſie dat ys/ghemene gūder ſyn/alſe
eyn gemene kaffen/vor alle de vnd dē Chriſten dorſtich werē.

Doch ys dat ock byllick vnde Chriſtlyker leue gelick/dat
wo: der ſtyſter eruē vorarmē vnd dorſtich weren/dat dē ful
uen fulcke ſtyſtinge wedder heym fallē yo ein groth deyl/vn
alle myteynander/wo: de nodt ſo grot were/wete ſrlich ūer
veder menyngē nicht geweſen ys/ock nicht heft ſcholen ſyn
ōhren kynderen vnd eruē dat broth vth dem inunde nemen
vnd anderswo: hen wenden/vnde eſſt de menyngē alſo geweſen
were ys ſe falsch vnde vnd Chriſtlich/wete de veder ſyn ſchul
dich ūhre kynder vor allen dyngen tho beſorgen/dat ys de hō
geſte/goddes denſt dē ſe mit tydlikē gude don mögē/wo: auer
de eruē nicht benödighet noch dorſtich ſyn/dar ſcholden ſe
ſalcke ūer veder ſtyſtinge nicht wedder nemen/ſunder dem
geimenen kaffen lathe.

Möchtet auer hyr ſeggen/dat loch ys tho wijt dat mede
wert de gemene kaffen wenich krygē wente ydermā wert dat
alle to ſyk nemen vnd ſeggen/ſe bedarf des alle ſc. Antwort
dar vñne hebbe yk geſecht/dac Chriſtlike leue moth hyr richtē
vñ handelē/myt geſettē vñ artikelen kan men des nicht fatē
yk ſchryue ock diuſſen radt allene n̄ha Chriſtlyker leue vor de
Chriſten vnde men moth ſyk des erwegen dat gyg bewyleit

wert mede vnderlopen wo schal men don: yd mocht dat vme
nicht na blyuen. Dennoch yset yo beter dat de gytz tho vhele
nymmet doch ordentlyke wyze wan dath eyne rabbuse dar
vth wörde alse yn Beheimen lande gescheen ys Eyn ytlycker
pröue syck suluen wat he tho synet noottorfft nemen vnd dem
gemenen kasten lathen schal.

Vpt drydde sulcke wyze gehört ock vp de Bischofdom
Styffte vnd Capytel de land vnd stede vnd ander güder vñ
der sick hebbet wente sulcke Bischofpe vnd styffte syn wed
der Bischofpe noch styffte yd syn ym grunde der warbeych
wertlyke heren myc eynē geystlike namen dar vnnme scholde
men se wertlike herē makē edder de güder den armen eruen
vnd fründen vnd dem gemenen kasten vth deilen. Mat auer
probenden vnd lehn syn scholde men lathen blyuen dē yennis
gen so se ytzunt yinne hebbet vñ na örem dode nemande mebz
vorlyen sunder vnder de armen eruen vnde yn eynē gemenen
Kasten leggen.

Vpt veerde yd schan auer der kloster vnd styffte güder
thom deyle vnd lenhe faste vele vp dem woker de sick ytzunt
yn aller werlt nōmet dē wedderkop vnd heeft de ganze werlt
yn korten jaren vorstungen sulcke güder mocht men thouorn
affänderen van dē erffgestyftē güldern alse den vtsatz wete
wat yck dar bouē geraden hebbe wyl yck van den styfftingen
gesecht hebbet de ahne wedderkop van rechten reddelyken
erffäudern gestyfftet syn de styffte auer vp wedderkop gestyff
tet mach men wol vo: woker holden wente yck noch nū keine
rechten tynskop vp wedderkop geschen edder gehöret hebbe
dar vme mocht men hyr thouorn dē woker bōten vnd eynem
ytlyken weddergeuen dat syne ehr men dat yn eynen gemenē
kasten lethe komen wente god sprickt Ich byn vyendt dē op
per dat vam roue kammet. Yd were denne dat men de nyche
fynden koude so myc deme wedderkope beschadiget syn dath
mochte denne de gemenen kasten tho sick nemen.

Mo auer de wedderkop recht vnd vtrecht sy ys ytzunt
ghelangt tho vorstellen yck hebbe yd genochsam beschauen

ym Sermonen van dem woker. dar vth men denne syck erkun-
den mach wo vele van sulcken lenken vnd styffen sy wedder
to vorstadē dē tynsmennern. wente aine twyfel gar vhele lenke
lange öre houet gelt wedder hebben vnd hören doch nicht vp
tcho sūgen der tynsmennner sweyt vnd blot. dat diū h̄ stücke
faste der grotesten eyn ys dar keyser vnde konige forsten vñ
heren vnd yderman tcho don scholde.

Vpt vefste vth den beddel Klosteren yn stedē werē gude
scholen vor. Knaben vnd Medeken to maken alse se vor tydē
gewesen syn. vth den ouerigen klosterē auer. mocht men ma-
ken huiser. wo: tcho de stadt ö:er dorffte wente der Bisshoppe
wyginge schal hyr to nicht hynderen. de wyle God nicht dar
vīne weyt. doch wo: men dūssen mynen radt worde Christlick
angripen wō:de yd syk suluest geue. schicken vnde leren. meh:
wan men ygunt myt worden kan vorstan. wente de felle wo:
den syck manichfoldich vnd seltzem begeuen dar nemandt
ynne wol richte kan wan Christlyke leue.

Van nu god geue dat dūsse radt vort gyngē. so worde inē
nicht allene einē ryken gemenē fasten hebbē vor alle nottorff
sunder dre grote öuel worden affgan vnd vphören. Dat erste
de beddeler. dar durch vele schaden geschütz landē vnd lüden
an sele vnd gude. Dat andē de gruwelyke myßbrück myt dem
Bann. welkor faste nicht meh: deyt. wā de lüde martert vīne
papen vnd Monneke güder wylē wo: nu de güder wech wes-
ren dorfft men sulkes bannes nicht.

Dat d:idde. de leydige tynskop de groteste woker vp erdē
welkor sick wentescher berömet hefft aller meyst yn geslyken
güderē. dat he dar suluest recht sy.

We auer dūsem rade nicht folgē wyl edder s̄mē gytze dar
ynne böten. den lathe yck faren. yck weet wol dat wennich dē
annemen werde. so ys my genoch wā eyn edder twe my folge-
den. edder yo doch gerne folgen wolden. Yd moch de werlt
blyuen vnd Sathan der werlt forste. yck hebbe gedan wat yck
kan vnd schuldich byn Godt helpe vns allen dat h̄ wy recht
farein vnd bestendich blyuen. Amen.

In dem name der h̄yligen v̄nge- deleden drefoldicheyt Amen.



¶ Erbar māne, Radt, veerdelmeyster, Eldesten vnd gemene ynwohner der Stad vñ dorper yngeparter vors sammelynghe vnde parampts tho Leyßnick. ¶ Ia dē durch de gnade des almechtigen goddes vth openbaringe Christlyker Euāgelescher schrifte wy nicht allene eynen bestendigen gelouen, sander ock gruntlick wetten entfangen - dat alle ynwendige vnde vthwendige vormogen der Christgelögigen tho der ere god des vnd lene des negesten euen Christen mynischē na ordeninge vnd vthsettinge godlyker warheit vnd nicht na mynischlykē gudt duncken denen vnde recken scholen.

Bekenne vnd don kandt hyr vñe jegenwordichlick. Dat wy vor vns vnd vnse na komen na gehattē tydigem rade der godlyken schrifft gelerden, diſſe naſolgenden broderlyke vors enyngē twyſchen vnſer gemensamheyt, de ytzint ys, vñ tho komende syn wert, truwelick vnd vnuortlick geholden tho werden vpgerichtet vnd besloten hebbēn. ¶

Bestellinge des parampts.

Wy wyllen vnde scholen, tho aller tydt, vnſe Christlyke fr̄yheit, so vele de bestellinge vnses gemeinen parampts mit beropinge, erwelinge, settinge, vnd entsettinghe, vnſer selen forger, alle thonorkundiginge des goddes wordes vnd medes delinge der Sacamente, belangende ys, nycht anders, wan na vthsettinge vñ vorordeninge godlyker Bibelischer schrifte

handelen daen vnd gebraken - vnd yn sulcken Erzgeystlyken
vornemen - alse de armen - eyntfeldigen - der godlyken schryffe
gelerden - bewerlyken wolgegrunden vnderwysinge vñ radt-
slage - yn warer demot gehoersamliket - doch de gnaade goddes
vnderworpe vnd nafolglich syn - alse wy des eyne klare voites-
kenisse by vns yn vnser gemenen vorwaringe hebbē vñ vns
uorandert entholden werden schal.

van anhoren godlykes iwordes.

Wy wyllen vnd scholen ock eyn yder Hasswerdt vñ Hass-
werdinne yn vnser Parre vor syk suluest ock syne kyndere vnd
Hassgesynde - darben to holden - vth Christlyker leue vo:plich-
tet syn - dat heylsame trostlyke wort goddes - to geordentē das-
gen vnd stundē - so vele vns god gnaade voilyet travelick ana-
hōren vnd tho der beteringe ynbylden.

Erehe vñ gebot godeshāt hebbē

Oter de erke goddes wylle vnd schole wy Hasswerde vnd
Hasswerdinnen so vele wy van godde gnaade hebben - ein ytlik
yn synē Hassē - vo: syk suluē - kynder vñ Hassgesynde - festichlyke
holden Openlyke goddes lesteringe ouermetich todryncken
horerye - bedrechlyke dobbel speel vnd ander sunde vnd laster
welkore godlyken geboden stracks vnd wettentlick entkegen -
myt ernstlyke flyte vormyde - vorhōden vnd werē. Efft ock by
enygē vnser gemenscheit h̄yr ynne vorhēckenisse edder vnflyt
vormerckt wörde - schal alse denne eyne ganze yngeparde vor-
samlynge - gadt doch vnd macht hebben - syk h̄yr vñme antho-
nemen doch gebölyke myddel - hülpe vnde thodon der önes
richheit - sulcks to werdiger straffe vñ seliger beteringe tobügē.

Vlorenogē vorrath vnd ynname thom gemenē kasten.

b

Op dat nu vnsse Chistlyke gheleue yn welkore alle gider
eydtlick vnd ewichlick van dem ewyghen godde doch vnsen
heren vnd salichmaker Christum vth lutteren gnaden vnde
barmherticheyt vorworuen vnd vns mede deylet tho egents
lyker frucht der broderlyken leue vnd de sulfste leue yn de wat
heyt vnde wercke der mylden giidicheyt komen vnde geforet
werden moegen hebben wy erst genant he gemene yngeparde
vo:samlynge vor vns vnde vnsse nha komen yn fallencomes
ner einmodicheyr eynen gemenen kasten vorordent vorhouen
vnd vpgerichtet vorordenē vnde vprichten den sulfsten hit
mede jegenwordichlick yn krafft diisser vnsrer broderliket vor:
en ynginge vp menyngemath vnde gestalt alse selget.

Tho dem vormoegen vnd vorrade yn den gemenen kaste:
scholen diisse namhaftige stücke Tynse giider gerechticheyt
den gelt vnde hante allenthaluen to hope geslagen yngesam:
let gebracht alse ewich thogeegent vnde ynuorlyuet syn vnd
blyuen.

Innhaine Par guder vnd gerech ticheyt.

Alle giider vnde gerechticheyt Erfflehn erue vnde giider
tynse Erff gerichte huss hoff garden acker nyssche vorradt
vnd farende haue nicht vth gesloten so vhele allenthaluen
parre vnd sele sorgen ampt alhyt by vns durch de anfenglyke
styffer vnd folgenden vormerer dar tho gegeten vorordent
vnde ouer vorwarede tydt tho behörich vnde yn gebrück ges:
wesen. Welkor ghiider vnde gerechticheyt allenthaluen wy
yngeparde vo:samlynge wes wy van wegen vnses gemenen
parramps voges vnde rechtes dar ahne hedden edder heb:
ben mochten thoerlanghen ohne alweghe vinbegeuen vorbes:
holden yn holdes der handelynghe vnd affschede der haluen
twysschen dem Abtate thom Buck vnde vns yn Cho:forstly

ter Cantzelye vnsres gnedigsten Heren des Tho:forsten tho:
Sassen ic. begetuen Vnde yn diissein vnseim gemenen kasten
vorhanden syn des gelyken wat tho der Scholen vn kusterye
to gehörich oec yn diissen kasten geslagen.

Innbame des goddes huses gu: der vnd gerechticheyt.

Alle güider vnde gerechticheit Erfflehn Erue vnd güider
tynse - Bruggen toll Bartschop - Sulaerwerck - Klenöde-
voiradt farende haue - vnde so allenthaluen an gewyssen vn
thofelligen dyngen vnsem goddes huße thostendich - Schole
ganz vnde gar sampt den breuelyken orkunden vortekenissen
vnde regysteren dar ouer seggende yn den ghemenen kasten
mede yngethogen syn vnd blyuen.

Innbame der veer altar lehn vnd styfftingen güider vnd gerechticheyt.

De veer altar lehn yn vnsem goddes huße scholē vorhen
wan de yzandes belehnten altars prester vorstorienn edder
de lehne sijt voledyghet syn nycht meh: vorlyken sunder de
veer huſer sampt den güideren tynſen ynkomen niittyngēn
Klenöden voorade vnde farenderhaue myt den breuelyken
orkunden vortekenyffen vnde registeren dar thohörende yn
den gemenen kasten gebracht werden. Vnde dar tho alle bes
genckenisse jar daghe Alflat weken der Octauen vnd andes
re yngelede de styftinghe vnd Allmessen thom hospital vnd
anderswo alle yn den gemenen kasten geslagen.

Innbame van Broderschoppen bij

Wat ahsn barem gelde tynskopen klenode sultierwerck
vortade vnd farende hattie den beromeden broderschoppē des
kalandes. Sanct Annen vnd der Schoknechte weteher yn
gesammelt vnd dē sulffen thostendich ys myt den brenelikē
orkundē vortekenissen vñ registern allenthaluen yn diissen
gemenen kasten geslagen vnde vorordent dar by tho blyuen.

Innhame goddes gawe van hant wercken vnde Bwerschoppen.

Ynlage Hylde gerechticheyden anspraken Bothe straffe
vnd kōren wes syck der dynge wenteher ynwendich der Stadt
by den hantwercken vñ vthwendich op dem lande yn do:per-
ren by den buren yn gemenē vnsern Parrheampte yn voorra-
de alse goddes gatten vorsam melt vñ vorthan ouer jarlant
vorsamlen werden syn vnd scholen allenthaluen yn gemenē
kasten geslagen vnd mede gebracht werden.

Innhaine etender spyse vnd gelt yn de Almesß kasten vnde geltstöcke.

Yn vnsem goddes haſſe syn vorordent vñ scholen alle tyd
ane vorruckinge geholdē werdē vath edder rathkysten dar
ynne brot keſſe eyer fleſch ander spyſe vnd vorradt vnd eyn
ſtock edder twe dar ynne gelt vnde also beyderleye tho ent-
holdinge gemenes kasten yntboleſſen des gelyken ſcholē de
Almessen vnde mylde hantrekinge ſo durch twe vth dē vns-
sen vorordent werdē alle tydt wan vnſe Parliide ym goddes
haſſe yn vorsamlynge syn van personē tho personē to erhol-
dinge der armen gebedē werdē ock yn fulcke ſtöcke van ſtūdt
gelecht vnde gewandt werden. Vnd de ſtücke des vorraedes ſo
vo:derſlick syn ſcholen durch de vorordentē iſha vormōge
þries beuels alſe hyr iſha folget ane vortheen tho nochtōſſt

vnder de armen vth gedeilt/wat auer werhaftich were vp
negest folgendē Sondach/entholdē vnde als denne to nutte
vnd bequemelicheyt der armen vo:foget werden.

Innhame gauen by gesunden da- gen vnd Testament am dot bedde.

Ander frye wyllige gauen/by gesunden leuedagē vñ testa-
ment am dot bedde/ so vele tho der ere goddes vnde leue des
negesten/vth Chilyker andacht geschē /yd sy ahn giidern-
barem gelde/ klenōdē vorrade vnd farēderhaue/ scholē gang
vnd gar to düsssem gemeinen kasten gedan syn vnd blyuē Ock
truwelyke vormaninge durch vnsē selen sorger vp dē predyge
stole/ vnd sust Ock de wyle de mynſchen by vornufft/ am sekē
bedde myt vormyllinge der ahnwardendē eruen yn o:denta-
lyken fallen thodon.

Vorwesinge des gemeinen kasten thobestellen.

De vorwesinge des gemeinen kasten/ ſchal also bestellet vnd
gedan werde. I nōmelick dat alle jar yerlicks/ vp dē Sondach
na dem achten dage der hylligen dre Konnige dage/ vngauer-
lick vīne elff legen/ eine gemene yngeparrede vorsamlinge/ vp
dem Radthuse alþyr erschynē wylle vnd scholē/ aldar suluest
dorch de gnade goddes/ yn warem Chistlykē gelenē eyndrech-
tichliken/ teyn vormunder edder vorſtender to dem gemeinen
kastē/ vth dem ganzē hupē ane vnderscheyt de geschickedestē
erwelē. Alſe nōmlich/ twe Erbar manne/ twe des regerendē
Rades/ dre vth dē gemeinen borgeren yn der stadt vñ die vth
dē buren vp dem lande/ welkore teyne also erweledē/ de bō:de
diſſer vorwesinge vñ vormundeschop/ also balde vīne godes
vñ gemeines nuttes wylle/ gutwyllich vp syt iemen vñ laden

schole-by gadi Christlichen gewettē vnangesehn-gunst nydt
nurk-forchte edd eynigerleye vntemelike orsake na örē bestē
vounogen ynholdes düsser yegewordygē vnser vorennyginge-
de vorwesinge ynnihame vnd vthgaue truwelick vnde vnges-
uerlick tho handelen plischafftich vnd vorbunden syn.

Beslutinge des kastens mit veer sunderlyken sloteren.

Düsse geinene kaste vnd beholtnysseschal yn vnsem gods-
des huße-an dem orde-dar yd am seckersten vorwart-sy vnd
myt veer vnderschedlyken besunderen schloteren vnd sloten
ien beslotē werdē Also dat de Erbar Manne eynē-de Kadt
eynen-de gemene yn der stadt eynē-vnde de Buresschopp vp
dem lande eynen sunderlyken slotel hebben.

De vorstender scholen alle Son- dage to sammende syn.

Alle Sondage jm jare van elfhora wente vmmie twe tho-
der vesper tydt-scholen de teyn vorstender in vnsem geinene
Parhoue edder ym Kadthuse by eynander syn vnde aldar
öhre vormündesschop flytich plegen vnd yegenwordich syn-
alle samptlick radtslagen vnd handelen dar mede de ere god-
des vnd de leue des euen Christen minsche in gangkhafftiger
öuynge erholden vnd tho beterynge angeschicket werdē mö-
ge vnd scholen sulcke öhre radtslege yn vprichtiger truwer
heymlicheyt gefolden vñ vnordentlyker wyſe nicht geopen-
baret werden. Efft etlyke vth öne nycht alle tydt entyegen-
vnd redelyker orsake vorhyndert schal ghelyke wol demeyste
deel to handelen vnd voitfaren macht hebben.

Die Boker. Dar vnnie alle guuder gerechticheyt vnd vorwesinge angetekent.

Die boeket edder register-scholen de teyn vorstender vp de
tydt aller sondage vor handen hebben wijsomlick.

Dat hōuet boeck dar ynne scholē beschreue syn vñ vortan
werden dūsse viise broderlyke voreninge alse de sulste vorser
gelt ym kasten lycht. Alle bieuelyke oikunde styftinge breue
vortekenis vnd erfregister ouer alle gūder vñ gerechtichey-
den so allenthaltien yn gemenen kasten alse bouen gewant
vnd yngebracht vnd thokomender tydt dar yn gebracht vnd
komen werden.

Dat handelboek dar ynne scholen alle handelynge radt-
slege affschede erkundinge vorfo: schinge vñ besluit so allent-
haluen by vnd ouer der vorwesinge ynnhame vnde vthgaue
des gemenen kastens gescheen geouet vñ fullenthogē eygent-
lyken yngeschreuen vnde vortekent werden dar vth men syk
alle tydt nottofftiges beschedes tho vorhalen hebbē möge.

Dat jarlyke reken register dar ynne scholē beschreue wer-
den anfenglick eyne fulstendige vortekenis vnd Inuentarii
aller stücke des vorraedes farēdhante Klenode Siluerwerck
vnd barschop an gelde eyn ytlycks myt rechter vnderscheyt
des gewichtes tall vnd mathe den vorgemelten teyn vorsten-
derē alse eyn ynnhame yn öhre ankomen eynes ytlyken jares
stückewyß ouer geantwordet vñ wedder vme berekent werdē
scholen hyr ynne scholē ok alle sondage wekenlick alle vnde
ytlyke ynnhame vnd vthgaue beschreue werdē Alle na yns-
holde eyner gemene rekenynges forme welkor syk eyne ganze
vo:samlinge voreniget vnd nha gelegenheit hinforder tho:
vo:renygen hebbē wert dar van alwege eyn sulck gemaket re-
gister myt synē nottofftigē capitelen geordent vp den dach
derwelinge dē nyen teyn vorstenderen durch de olden gefas-
tet vnd beschreue ouerantwordet werdē schal dar mede scher-
delyke erredom vnd vorsūmenyssse vorkomen vnd wan dūsse
die böker alse bouen gebrücket worden scholen se also balde
wedder vme yn den gemenen kasten gesloten werden.

Alle ynkomen vñ schulde ynname

De teyn vorstender scholen myt ganzem flyte alle tynse
vpheuynge ynkommen vnd schulde beyde stanthaftige vnd
thofellige manē vnd yn den gemenē kasten ynbryngē so vele
vmmere mögelicē vñ aue vnderdruckynge der armē gescheen
kan yñ vnuorudykem wesende vnderholden.

Elmpt truyver brvmester.

Twe Bwmester scholen de teyn vorstender vnder syk sal
hen vororden welkor beyde myt rade vnd wetten der anderē
achte vorsorgen scholen de gebūwete des goddes huses der
Bruggē des Parhoues der Scholen der Kusterye der Hospis
talen Ock dat düssē beyde ym goddes huse myt twen seckels
ken edd taffelē so vaken vnse yngeparrede vorsamlinge jegen
wordich de Almessē to beholdinge der armen bydden vnd
also balde yn de beyde dar tho vorordente geltstöcke opent
lick ynschüdden dar van de slotel ym gemenē kasten scholen
entholden vnde doch de teyn vorstender samptlick dat gelt
dar vth alle Sondage genomen forder yñ gemenē kasten ges
lecht vnd yn dat reken Register egentlick beschreuen werden
schal. Ock de almessen an etender spysse vnd vorrade welkor
vorderflick na dem yd eins ydern Sondages vor nottofflich
vnd gudt angesehn vnde doch de teyn vorstender samptlyck
beslotē degelick vnder de armē vthdelen Wat werhaftiger
stücke scholen vth den Almesz kasten genomē vnd an beqwe
men ördēn ym goddes huse alwe ge wente op eynē Sondach
vorwart vñ also forder na gudt düncken der teyn vorstender
vo de armen vthgedelet werden.

Fromde besrveringe affgelecht.

Na dem wy Erbarmanne Radt veerdelmester Eldesten
vnd gemene ynwoner der stadt vñ dorper vnsers parramps

vor vns vnd vnse nakommen yn krafft diüsser vnser vo:enlynge
beslotē vnd diüssle mercklyke besweringe dar mede eyne gan
ge yngeparrede vo:samlinge ouer de mathe alse vā dē froms
medē erdichten vnnottorffigē armen vnde inōtichgengeren
beladen vñ yn vnsem suluest mangel vorduet gewesen vrs
rade der godlyken schriftgelerden affgewandt vnd vpgehoss
nen yn mathen ock affgewandt vnd vpgehouden syn vñ blys
nen scholen lōmlick.

Termeyen affgelecht.

Keyne Monneke welkores ordens ock de syn scholē vo:ts
mer yn vnsem Parrampte yn d stadt noch dorperē eynerlei
termeyen hebbē dar viñe öne ock de die termeyen hūser vt dē
gemenen fasten vnd dem suluigen tho gude na temelyker
werderinge scholen vornöget werden.

Beddelen d Adonneke statione rer vnd kercken bydder affgedan.

Keyne Monneke keyne stationerer noch kercken bydder
schal yn vnsem Parrampte effte kerckspeel yn der stadt vnde
dorperen tho beddelen lathen gestadet vñ vorhangē werden.

Beddelē frōderscholer afgelecht

Keyn frommet scholer schal yn vnsem Parrampte yn der
stadt noch dorperen tho beddelen geleden werden wyll auer
ymandt yn de schole gan de mach syck suluen syne kost vnde
narynge vo:schaffen.

Beddeler vnd beddeleryn afge lecht.

6

Keyne beddeler vñ bedleryn scholē yn vñsem Parrampte
effe kerckspeel yn der stadt noch dorperen- gheleden werden-
wenite welkor myt older edder krangheyt nicht beladē- scholē
arbeyden edder vth vñsem gebede vth der stadt vnd dorperē
ock myt hulpe der ouericheyt henwech gedreuen werden De
auer vth chofellen by vns vorarmen edder vth krankheyt
edder older nicht arbeyden kunnen scholen durch de vororden-
ten teyne vth vñsein gemeine kasten theimelyker wyse vorseen
werden- yn mathen hyt nafolgende.

Uthgaue vnd vorsehinge vth dē gemeinen kasten.

Hyr vmmie willen vnd scholē na vorthan wy yngeparrede
voisamlinge vnd vnse nakomen vth vñsem gemeinen kasten-
dorch de teyn erweledē vnse vorstéder so vertne syck vnse vors-
mōgen myt goddes gnaden vorstrecken wert- ermeren vorseen
vnd erholden vnd de vthgauen alse folget n̄ha gelegenheyt
don vnde darleggen. L̄ömlück.

Uthgaue des Parrampts.

Dem gemeinen vñsen beropen erweleden sele sorger edder
Partner tho samende ock eynem vñsem beropen predyger so
eyne partner (welkor doch sulcast syn Parrampt- myt vorkuns-
dinge des wordes goddes vnd anderem don kūnen vñ wetten
schal) tho hulpe togeordent vnde dar tho evn Cappellan efft
yd de nottorfft fordern wörde- scholen de teyn vorstender vth
eyndrechtrigem beslute der gantzen voisamlynghe myt eyner
namhaffrygen summa geldes vnd etlyke genetlyke vorrade
vnd nuttinge- lyggender gründe vnd güider alle jar verlyck
yo dē veerdendeyl op eyn quateremper vnde veerdel jares-
to ðer temelyken nottorfft vnd vpentholdinge voisien vnd

vt̄h dē gemenē kasten yegē gebōrlyke quītātz ouerrecken. Ith
welkōrē jare gelde vorrade vnd nuttinge alſe einer voſorgin
ge ſe geſediget ſyn ſcholē myt keynerleye wyſe ethwes mehr
van dē yngeparreden perſone vnd mynſchē to ſōken noch to
entfangē yd were denne vngesochte ledige frye erbedinge vñ
gane ſunder ſcholen ſick na der ordeninge vnd vnderwyſinge
myt dē vnd ōk der vorwesinge des gemenē ſelesor:gen amptes
der godlyken ſchrijftgelerden holdē welkōre ordeninge yn vns
ſem gemenen kasten vorwart vnde durch de teyn vorſtender
alle ſondage flytich ſchal bewogen vnde gefordert werden
dat mede an dē ſelesor:gen ampt keyn affbrock geschee.

Athgaue vor de Rusterie.

Dem kerckener edder Küſter welkōrē van eyner voſamlinge dat goddes huf to beſluten vnd de temelikē denſte dar
by thodon beholē ſchal durch de teyn vorſtender ut̄h dē geſ
menē kasten eyn namhaftich jargelt vnd etlyker genetlyker
voſrade ock nuttinge vp de veer veerdel jares gegeñē werde
alſe ſulck durch de voſamlinge beſloten vnd yn der ſchrijfflyſ
ken ordenyngē des gemenen ſelesor:gen amptes alſe bouen tho
ſammede der küſterye denſten mede begrypen.

Athgaue vor de tucht ſcholen.

Eynē ſcholemester vor de jangē knaben tho beropen ſette
vnd entſetten ſcholē de teyn vorordente vorſtender yn namē
vnſer gemenen yngeparreden voſamlinge macht vnd beuel
hebbē na rade vnd gudē anſeen vnſers erweledē ſelesorgers
vñ eines predigers vnd anderer godliker ſchrijftgelerde dar
mede ein frō vntadelick wolgeleret mā to Criftlyker erlyker
vñ erbar tucht vñ vnderwyſinge d̄ joget alſe einē hochnōtige
ampte voigesetſt werde welkōrē ſcholemester yn ſyner tucht
cij

lere/leuende vnd regeringe/ na vormogen der ordenyngē vn-
ses gemeine sele sorgen amptē/ alse bouen/ ym vorrade vnſes
kastens vorhanden lyggende/ syck richten vnde vnao:andert-
toholden/ vorplichtet syn schal/ dar vñme vth vnsem gemeinen
kasten eyn namhaftych jargelt vnde etlykem vorrade/ vp de
veer veerdel jares/ n̄ha beslute eyner gemeinen vorsamlinge/
dorch de teyn vorstender/ dem sulſten scholemeſter/ schal ge-
gētē vñ vornōget werde/ vnde schal dar ouer nicht mehr/ vth
vnſer yngeparreden vorsamlinge alſe de yn veer vnderschedē
bouen angetekent/ ſoken vnde entfangen. Iuer van fromden
ſcholerē/ welkore allene vp ōre ſuluest eygene kost vñ nicht vp
beddelye alþyr ſcholen geledē werden/ mach de ſcholemeſter/
na rade eynes Parners vñ predigers/ ſamt der teyn vorſten-
der/ byllyke belonyngē nemen. Also dat ock/ dē ſulſten from-
den Chriſtlyke tucht vnde lere/ mede gedelet werde. Up diſch
ſcholeampt/ vnd regeringe der jōget ſcholen vnſe ſele ſorger
prediger vnde teyn vorſtender/ eyn vnnalatich truwelick vp-
ſeen hebbēn/ vnd alle ſondage/ derweghen noottorſtich be-
dencken vnd radtſlach holdē/ vnd mit geſtracktē ernſte hants
hebbē. Der gelykē ſchal vth vnsem gemeinen kasten/ dorch de
teyn vorſtender/ eyne erlyke bedagede/ vntadelyke wyues per-
ſone myt eyne jargelde/ vnd etlykem vorrade/ voſeen werde
de jungē Medeken vnder twelfjaren/ yn rechter Chriſtlyker
tucht/ ere vnd dōget to vnderwisen/ vnd na yn holde der orde-
nyngē/ vnſes ſele ſorgen ampts/ diūdesch ſchauē vñ leſen lerē/
erlyke namhaftige ſtunde/ by hellem lichten ſummenſchyn/ vñ
an eyne erlyke vnuordedchtygē orde/ vñ dar ouer ock nicht mehr/
vth vnſer vorsamlinge ſoken noch entfangē. Iuer van from-
meden Medeken/ efft de anderswoher geschicket/ yn de diū-
desche ſchole/ mach ſulck wylles perſone/ na rade der teyn vor-
ſtender/ mögelyke belonyngē ock nemen/ vnd de teyn vorſten-
der/ ſcholen yo mit hogē flyte/ vp de tucht vñ regeringe diūſſer
diūdeschen ſchole vnde jungen Medeken/ eyn vpſeent hebbēn
Dar mede Chriſtlike tucht ere vnd doget/ vnuorruclik ge-
helden werde.

Uithgaue vor de gebreckelike vñ Armen olden mynschen.

De mynschen so yn vnser yngeparreden vorsamlynge vñ kerckspeel vth chofellen by vns vorarmē van ören friinden efft se etlyke vormögelyke der sulfften hedde myt hulpe vors lachen weren. Ock welkore vth kraghelyt edder older nicht arbeyden kunnen vnd nottofftich arm werten scholē doch de teyn vorstender wekenlick alle sondage vnd sust na gelegen heyt vth vnsem gemenē kasten geholden vnde vo:seen warden. Also dat öre lyff vnd leuent godde tho eren vnde leue vth mangel nottoftiger hysyngē kledinge netyngē vñ wat dinge foder thokrencken sweken vnd vorkorten vth Christ lyker leue behot syn mögen vnd yo van keynē armen vnder vnser vorsamlinge sulcke stücke der gelyken nottoft opentslick geropen getlaget vnde gebedelt werden do:ffen dar vñme scholen de teyn vorstender mit grotem stedē flyte vorsaringe vnd nafo:chinge vorwendē vnd warhaftich grundlick wetzen hebbet aller sulcker armen alse bouen yn der stadt vnde dorperen bynnen vnsem ganzem parrampte effte kerckspeel vnd dar oter alle sondage radtslagen vnd de namen der ynenigen armen welkore also vo:forshet vnd öne hilpe chodon besloten scholen myt sampt dem besloten radtslage yn dath handelboek klerlick yngeschreuen werden dar mede dat vors mögent vth vnsem gemenen kasten o:dentlick vthgedelet werde.

Uithgaue vor de rveysen vnd ar men kynder.

Arme vorlatene weysen scholē myt tacht vnd lyues nottofft so lange se öre brod vordenen vnd erarbeyden kunnen doch de vorstender vth dē gemenē kasten bynnē der stadt vñ dorperē vnses gangen parrampts nha gelegenheyt vo:for ges

c iij.

werden. Efft oē vnder sulcken weyßen edder armer vnuormō, gender liide tynder- junge knaben gefunden- welkore tho der schole wol geschickt- vñ begryplick der fryen kūste vñ schrifte syn wōrde- de scholen nefen den anderē armē mynschen durch de vorstender- vth dem gemenen kasten generet vnde vo:seen werde. Und de anderē knaben to arbeydē handwercke- vnde temelyken gewerue gefordert werde. De jungkfruwen vnder sulcken vorlathe weyßen- des gelyken armer liide dochter scho len ock durch de vorstender- vth dē gemenen kasten tho dem Eestande beraden werden myt eyner temelyken hülpe.

Uthgauehußarmerlude.

Handwercks liiden vnd anderen haßarmen liiden- de ym Eelyken edder wedewē stande- yn der stadt vnd dorperē byn nen vnsem parrampte effre kerck speel wonhaftich syn- vnde nicht vormōgē noch sustend anderswoz hülpe hebbē- öre hand werck borgerlick- edder Buwers nerynge redelick- tho:ryuen vnd arbeyden- scholen de vorstender vth dē gemenen kasten- temelyke vorstreckinge don- vp mögelyke daghe tydt wedder thobetalen. Welkore auer- ouer öre ttuwe arbeyt vnde flyt̄ sulcks nicht vormochten wedder thogeuuen- den schal yd- alse tho örer notto:ft- vñne goddes wylle vorlaten werden- sulcke gelegenheit schal durch de vorstender egēlick vorfarē werde.

Uthgaue vorsehinge frommeder yntkominge.

Frommedē yntkomingē- wat standes- se mannes edd wys aēs personē weren- vnd Christlyke broderlyke thosso:sicht- to vnser gemenen vorsamlinge hebben vnd bynnen der stadt dor peren yn vnsem parrampte myt örer arbeyt möge vnd flyt̄ öhier narynge soeken wō:den- scholen de teyn vorstender- triu

welykeforderinge don ock vth vnsem gemeine kaste mit lyhe
vnd gesien nha gelegenheit temelyken tho hulpe komen dar
mede ock de frommede nicht trostlos vorlaten vñ vor schaue
den vnde open sunden gereddet syn mögen.

Athgaue vor entholdinge vñ vp richtinge der gebuwe.

Degelyke entholdinge vnd beteringe der gebuwe ock nye
gebuwe. Iomlick an diissen volgenden öden dem gemeinen
kasten thostendich. Dath goddes haß de Bruggen de Par-
hoff de schole de küsterye de hospital schölen de teyn vorsten
der myt gudem flyte vnd vo:sichticheit ock myt rade d Huwe
vorstendigen vnde bewerter Bwliide beradt slagen bestellen
don vnd fulfören lathen vnd de tho gehöryge noottorfft myt
bequemicheyt yn vorrade vor schaffen vnd vth dem gemeinen
kasten de vorlegginge don ock doch öre twe Bwmester före
vnd vnder bandarbeyt na her gebachter gewonheit by den
liden yn der stadt vñ vp dem lande sunderlich to der brugge
doch bede tho erlangen.

Athgaue vor korne yn gemeinen vo:rradt.

Unse yngeparrede vo:samlynge tho eyne gemeinen nutte
scholen de teyn vorstender vth vnsem gemeinen kasten nefen
der tholegginge eynes Rades vth örer stadtammer eyne red-
delyke summa vnd antall kornes vnd erwete vp de schiiddde
hüser so dem Rade vnd gemeinen Parrampte thostendich
yn vorrade ynkopen vnd vo:schaffen sulcken vorradt yn wol
veylen jaren getreyde effte korne köpen nicht angrypen sind
alwege meren vnde starcken dar mede de ynwoner gemeiner
yngeparredē vo:samlinge allen haluen yn der stadt vñ dor

peren/ yn tydt der anlyggenden nottofft/ öne voortopen lyge
vnde geuen alse sulck dorck de teyn voestender vor gadt vnde
beqweme angeseen wert tho sulckem vorrade dorck de gnade
goddes tho flucht vnd huss nerynge hebben mögen/ watck ock
an getreyde effre korne van ackerlüde yn der stadt/ edd Barē
vp dem lande gemeine nutte tho gade/ vt hys mylder hand gege
yen edder tho Testamentē bescheden vnd ouer de entholdin-
ge der armen lüde/ alse bouen vorblyuen worde/ schal ock tho
diissem gemeinen vorrade geslagen/ vnd alse gehört/ tho der
nottofft d' ganzen yngeparredē vorsamlinge gebuket werde

Jarlyke tholage yn gemeine kastē thodon.

So ock de tynse vphelynge/ gefelle vnd togenge yn dem
vorn̄gen vnde vorrade vnses gemenen kastens alse bouen
stuckwyß angegeuen nicht genochsam to beholdinge vñ vor-
soringe vnses Parrampts küstereyē scholē/ der nottoffrygē
armen/ vnd gemeiner gebuwe/ yn matken ordentlick nha eyn-
ander vt hys gesach/ hebbē wy Erbar Manne/ Kadt/ veerdels
delinester Eldesten/ vnd gemene ynwoner der stadt vnd dor-
per vnses ganzen Parrampts/ vor vns vnde vnse nakommen/
yn krafft diisser vnser broderlykē vorenlynge eyndrechtlich
besloten vnd vorwylliget/ dat hys eyn yder Erbar man/ borger
vnde Huer yn dem Parrampte effre kerckspeel wōhafftich/
na dem he heeft vnde vornach/ vor syck syn wyß vnd kynder-
jarlyken eyn gelt tholeggen schal/ dar mede de houet summa
so sit eine gemene yngeparrede vorsamlinge yn örē bedeckē vñ
Kadtslage/ vt hys d' jar rekeninge/ alse vor nottoffrich vnd ges-
nochsaß/ belerē vñ erkundē worde/ vor full vt hys to bringē to vor-
langē syn möge. Hyr to scolē ock/ so wijt sick vnse Parre vor-
strecket/ alle hussgenöte denst gesynde/ knechte d' hantwercke
vnd andere personen/ welkore nicht husslich beseten vnd doch

vnser parrechte syk mede frontwen vnd gebraken/ eyne ytlyke
persone/ eynē suluer grossen/ alle tydt vp eyne quatertemper
vn̄ veerdel jares/ dre nye penningē/ alse dē veerdeel des sul-
uer grossen/ jarlykē to hulpe recken/ welkor: ein ytlick hūswerd
ed̄ hūswerdynne flytich ynbringē/ vnd forder den teyn vor-
stenderē vp eyn ytlick veerdel jares ouerantwoerde schal/ vnd
eyne yngeparrede vo:samlynge wylle vnd scholē syk ytzunt vn̄
tokomende/ sulcker jerlyken geringē tolage vnd hulpe/ to der
ere goddes/ vnd leue des euēn Christen mynschē nicht beswe-
ren/ yn betrachtinge dat hyr vor eyne lange ewyge tydt beyde
de wonhaftige vnde nycht wonhaftige doch vnse ghemene
Parrhe/ myt ouermetyger vndrechtlyker besweringe vn̄ aff-
toch/ yn mannygerleye wyse vnd lysten/ ahne vnderlat doch
dat ganze jar ouerladē vnd vth gesogen/ welkor: dynge ytzunt
doch de gnade godes/ weddervme yn ware fryheit des Christ-
lyken geystes/ gewandt vn̄ komē syn/ vnd eynē ytlykē Christē
myt hogesten flyte to vorwarē/ sulcke Christlyke fryheyt tho
bedeckinge des schentlyken gyzes/ nicht myssebrucken.

Dre mall ym jare gemene vo:sam- lynge tho holden:

Dre mall ym jare/ alse 11. Oktōber/ dē Sondach na dē achte
dage d' hyllygē die konnige/ dē Sondach na Sanct. Urbanus
dage vnd dē Sondach na Sanct Michaelis dage wyllen vnd
scholen eyne ganze gemene yngeparrede vo:samlinge vmine
elffho:ra/ vp dē Radchuse to hope komen vnd tho dem wen-
gesten wete vme twe hora/ na myddage aldar harren/ erslick
dūsse vnse broderlyke vo:renyginge/ opentlick vorlesen vn̄ an-
hören/ vth vnderricht vnser teyn vorordente vorstender/ myt
vorlegginge öhier handel vnd rekenbōker/ vnd sust vth vnser
aller gemeinen bedencken/ de vorwesinge ynnhaine vnd vth/
gane vnsers gemeinen kassen/ vnde sust allenthalten/ de not-
coiff vnde beqwemicheyt/ thoberatslage/ ock doch de gnade

goddes/entlick tho besluten/dar mede dūsse biderlycke vor
enynge/na gelegenheit des gemenē vormōgens vñ verrades
tho holdē/vnd nicht yn affinemē kome Efft ock ymandes vth
gemenē patrampte edder kerckspeel/vp sulcke dre bestimmen
de dage nicht yegenwordich synt onde/also doch ane merck
lyke grote orsake syk nemand darvā vth herē schal nichte wens
niger also bouē berort/dorch dē hūpe ordēclick vortfarē werdē

Vorstender ore fulstendige reke nynge thodon.

Unse teyn vorordentē vorstender/scholē alle jar ierlick/vp
dē sondach na dē achte der hylliche dre konigē vnd folgende
dage/na eynand ōre ganze jarrekenyngē/vñ vorwesinge/yns
nhamē vnd vthgaue/vnſes gemenē kasten/dorch ōre handel
vñ reken bōker/vñ sust myt ōrem muntlyke bericht opentlick
yn yegenwordicheit vnser/gemenē voſamlinge/edder eynen
mercklyke antall vñ vthwyß/van wegen vñ an stadt ganzer
voſamlinge/also yd de gelegenheit genen wyl/don/vorwens
dē vñ fulfō:en. Na dē de forma vñ vnderricht/tho sulcket jar
rekenyngē vth gemenē beslute eyner voſamlinge/vp dē erste
dach ōres yntomens/also bouē gemeldet/gemaket vñ dē vor
stenderē ouergeantwordet edd togestelt worden ys/vnd wan
sulcke rekenyngē van dē vorstenderē gescheen vñ angenomen
wōrde/scholen de van eyner voſamlinge wegen myt fltiger
danckseggingē der sulnē na aller nottofft/leddich/qnydt/vñ
loß gesecht werdē vñ also balde scholē se vnsen nye erweleden
teyn vorstenderē ynantwordē vñ osterreckē dē gemenē kasten/
myt sampt allē brenelyke ortundē/vorrekenissen vñ Register
Ock de dre bōker/dat houet boeck/dat handelboeck/de jarre
kenbōker so vele der suluen gemaket syn/vnd dar nesen lūch
des Inuentarien alle stücke/de na beslotener öhzer rekeninge
yn vorrade vñ restat gebleuen/korne genethlicher vorrade/fas
zēdehaue/klenode Sulauerwerck/barschop an gelde/allerley

notcorfft to gebuywte alle na rechter vnderscheyt des gewichtes/tall vnd mathe/fultcomelick anwisen vñ ouerantwoorden vnd fulcke ouerantwordinge schal van nyen ordentlick yn eyn Inventariū vñ vortekenisse anderweyde beschreue/vnd doch de Erbar manne/Kede vnd veerhantwercke yn name ganz ger vorsamlinge/voisegelt vnd in gemenen kasten weddēvme dar vp thobereken hynderlecht werden.

De nyen vorstender erhalinge by

den olden tho hebbē.

So mögē oē de nyen vorstender/ so vaken yd öne noth syn wert/by dē olden erhalinge hebbē/welcores syk de olden vorstender/vīne der ere goddes vnd gemenes nuttes wyllē nyct beswerē/sunder truwē vnderricht vñ Rade mede delē scholē.

Tho water orkand/vnd vp dat diisse vnse broderlyke vorseninge/ yn alle ören bouē geschreue artikelē/stückē vñ punctē nicht anders wan allene to der ere goddes/vnde leue des elē Christen mynschē vñ also gemenē nutte tho gude/doch cyne yngepartede vorsamlinge alþyr to Leysnick/to aller tyd scal gehandelt/gebrauet vnd gehantbauet werdē truwelick vnde ane alle geuerde/hebbē wy Erbar manne myt namen Baltasar van arras/Bastian van Kotteritzsch vnd Sigmundt van Laufē/vnse angeboren Ere yngesell/Vnd wy de Rade vnsfer stadt secret/vnd wy geswoerē hantwerckmeyster der veerhantwercke. Niomlick Dockmaker/Becker/Schoster/vnde Boddeker/vnse gewontlyke hantwercks Segell/van wegen vnd vp bydden aller vnd ytlyker ynwoner/yn der stadt vnde dorperen vnsers parramps esste kerckspeel myt opentlyker rechter wetenschop/vor vns vnd vnse nakomē yngepartede vorsamlinge/an diisse yegenwordige vnse beschriuinge don an hengē. Gescheen vnd gegeuen to Leysnick na Christi vnsers leuen heren gebort Dusent viii hundert vnd ym dre vnd twintigsten jare.

Dat worth Goddes blyft ewichlyken.

Hist. med. E 29.8, 20